



Մարդկանց
թրաֆիքինգի
դեմ պայքարի
միջոցների
մասին
Եվրոպայի
Խորհրդի
կոնվենցիայի
համաձայն



Մոնիտորինգի
մեխանիզմը

COUNCIL OF EUROPE



CONSEIL DE L'EUROPE



ՈՐՈ՛ՆՔ ԵՆ ԱՅՍ ԿՈՆՎԵՆՑԻԱՅԻ ՆՊԱՏԱԿՆԵՐԸ

■ Մարդկանց թրաֆիքինգի դեմ պայքարի գործողությունների մասին Եվրոպայի խորհրդի կոնվենցիան, որն ուժի մեջ է մտել 2008թ փետրվարի 1-ից, նպատակաուղղված է մարդկանց թրաֆիքինգի կանխարգելմանը, թրաֆիքինգից տուժածների պաշտպանությանը և դատական կարգով թրաֆիքինգով զբաղվողների հետապնդմանը: Այն վերաբերում է թրաֆիքինգի բոլոր ձևերին (լինեն դրանք ազգային կամ անդրազգային, կազմակերպված հանցավորության հետ կապ ունեցող կամ չունեցող) և ներառում է բոլոր տուժածներին (կանանց, տղամարդկանց և երեխաներին), ինչպես նաև շահագործման բոլոր ձևերը: Կոնվենցիան նաև ներառում է միջոցառումներ, որոնք խրախուսում են միջազգային համագործակցությունը և փոխգործունեությունը քաղաքացիական հասարակության հետ:

■ Կոնվենցիայի կարևորագույն արժեքը կայանում է նրանում, որ ուշադրության կենտրոնում են գտնվում մարդու իրավունքները և տուժածների պաշտպանությունը: Կոնվենցիան թրաֆիքինգը սահմանում է որպես մարդու իրավունքների խախտում և մարդկային արժանապատվության և անձեռնմխելիության ոտնահարում: Դա նշանակում է, որ երկրների իշխանությունները պատասխանատվություն են կրում, եթե նրանք չեն ձեռնարկում քայլեր մարդկանց թրաֆիքինգը կանխարգելու, թրաֆիքինգից տուժածներին պաշտպանելու և թրաֆիքինգի դեպքերը արդյունավետ հետաքննելու համար:

■ Մարդկանց թրաֆիքինգը համաշխարհային երևույթ է, որը չի ճանաչում սահմաններ, այդ իսկ պատճառով կոնվենցիան կիրառելի և հասանելի է բոլոր երկրների համար:



ԻՆՉՊԵՍ Է ԻՐԱԿԱՆԱՑՎՈՒՄ ԿՈՆՎԵՆՏԻԱՅԻ ՍՈՆԻՏՈՐԻՆԳԸ

— Կոնվենցիան ստեղծել է մոնիտորինգի անկախ մի մեխանիզմ գնահատելու համար, թե ինչպես են իրականացվում նրա դրույթները: Մոնիտորինգի այս մեխանիզմը, որը դիտվում է որպես կոնվենցիայի հիմնական ուժեղ կողմերից մեկը, բաղկացած է երկու հիմնապատյուններից՝ Մարդկանց թրաֆիքինգի դեմ պայքարի հարցերով փորձագետների խմբից (GRETA) և Կոնվենցիային անդամ պետությունների կոմիտեից:

Ի՞նչ է GRETA-ն

— GRETA-ն մարդկանց թրաֆիքինգի դեմ պայքարի հարցերով փորձագետների խումբ է, որը պատասխանատու է գնահատելու կոնվենցիայի կատարումը այն վավերացրած երկրների կողմից: GRETA-ն կազմված է կոնվենցիան ստորագրած երկրների 15 անկախ և անկողմնակալ փորձագետներից: Դրանք տարբեր բնագավառների մասնագետներ են (իրավաբաններ, իրավապահ մարմինների աշխատակիցներ, հոգեբաններ, բժիշկներ, քաղաքացիական հասարակության ներկայացուցիչներ և այլն) և ընտրվում են իրենց մասնագիտական փորձի հիման վրա կոնվենցիանում ներառված ոլորտներից: GRETA-ի անդամների պաշտոնավարման ժամկետը չորս տարի է՝ ևս մեկ անգամ վերընտրվելու հնարավորությամբ:

Ինչպե՞ս է GRETA-ն իրականացնում մոնիտորինգի իր աշխատանքները

GRETA-ի մոնիտորինգի աշխատանքները բաժանվում են փուլերի: Յուրաքանչյուր փուլի սկզբում GRETA-ն սահմանում է կոնվենցիայի այն դրույթները, որոնք ենթակա են մոնիտորինգի և որոշում է գնահատման առավել համապատասխան ուղին:

Մոնիտորինգի իր աշխատանքներն իրականացնելու ժամանակ GRETA-ն օգտագործում է տեղեկատվություն հավաքելու մի շարք մեթոդներ: Որպես առաջին քայլ GRETA-ն հարցաթերթիկ է ուղարկում գնահատմանը ենթակա երկրի կարավարությանը: Ի պատասխան տրամադրված տեղեկատվությունը վերլուծվում է GRETA-ի կողմից և, անհրաժեշտության դեպքում, GRETA-ն լրացուցիչ տեղեկատվություն է պահանջում պատասխանը հստակեցնելու կամ լրացումներ կատարելու համար:

Բացի հարցաթերթիկ ուղարկելուց GRETA-ն այցելություն է կատարում տվյալ երկիր: Նման այցելությունները թույլ են տալիս մանրագնի քննարկումներ անցկացնել պետական պաշտոնյաների, ոստիկանության աշխատակիցների, դատախազների, խորհրդարանականների և այլ շահագրգիռ կողմերի հետ:

Գնահատման այցելությունները GRETA-ին հնարավորություն են տալիս այցելելու նաև թրաֆիքինգից տուժածներին աջակցություն տրամադրող հաստատություններ: Այսպիսով, GRETA-ն կարող է դիմել ճգնաժամային կետերում կամ թրաֆիքինգից տուժածների ապաստարաններ այցելելու խնդրանքով, որոնք ղեկավարվում են պետական մարմինների կամ ՀԿ-ների կողմից, անօրինական միգրանտների կամ ապաստան հայցողների կենտրոններ, սահմանային կետեր կամ հիվանդանոցներ: Նման այցելությունները հնարավորություն են տալիս ստուգելու կոնվենցիայի կատարմանը միտված քայլերի արդյունավետությունը:



ՔԱՂԱՔԱՑԻԱԿԱՆ ՀԱՍԱՐԱԿՈՒԹՅԱՆ ԴԵՐԸ

GRETA-ի համար քաղաքացիական հասարակությունը տեղեկատվության կարևոր աղբյուր է հանդիսանում: Գնահատման այցելությունների ընթացքում GRETA-ն հանդիպումներ է ունենում հասարակական կազմակերպությունների (ՀԿ-ների) ներկայացուցիչների, ինչպես նաև քաղաքացիական հասարակության այլ ներկայացուցիչների հետ (օրինակ՝ արհմիություններ, փաստաբանների միություններ, գիտական հաստատություններ), ովքեր ներգրավված են մարդկանց թրաֆիքինգի դեմ պայքարի գործողություններում: GRETA-ն կարող է իր հարցաթերթիկը կամ տեղեկատվություն ստանալու համար իր հարցադրումները հասցեագրել ՀԿ-ներին և քաղաքացիական հասարակության այլ կառույցներին, որոնք հնարավորություն ունեն օգտվելու տեղեկատվության վստահելի աղբյուրներից և անհրաժեշտության դեպքում ընդունակ են ստուգել այդ տեղեկատվությունը:

GRETA-Ի ԶԵԿՈՒՅՑՆԵՐԸ

Երկրի գնահատման GRETA-ի զեկույցները ներառում են յուրաքանչյուր երկրում մարդկանց թրաֆիքինգի դեմ պայքարի գործողությունների հետ կապված իրավիճակի վերլուծությունները և կոնվենցիան ավելի արդյունավետ իրականացնելու առաջարկությունները: Զեկույցները կազմվում են փոխհամագործակցության մթնոլորտում և նպատակաուղղված են աջակցելու պետություններին իրենց գործողություններում:

GRETA-ն քննարկում է գնահատման զեկույցների նախագծերն իր լիազումար նիստերին: Այնուհետև զեկույցի նախագիծն ուղարկվում է համապատասխան կառավարությանը մեկնաբանությունների համար, որոնք հաշվի են առնվում GRETA-ի կողմից վերջնական զեկույցի պատրաստման ժամանակ: Այս վերջնական զեկույցը փոխանցվում է համապատասխան երկրի կառավարությանը, ում առաջարկվում է ներկայացնել ցանկացած եզրափակիչ մեկնաբանություններ: Այնուհետև GRETA-ի կազմած զեկույցը, կառավարության ցանկացած մեկնաբանությունների հետ, ներկայացվում է հանրությանը:

ԿՈՆՎԵՆՑԻԱՅԻՆ ԱՆՂԱՄ ՊԵՏՈՒԹՅՈՒՆՆԵՐԻ ԿՈՄԻՏԵ

Մոնիտորինգի մեխանիզմի երկրորդ հենասյունը՝ Կոնվենցիային անդամ պետությունների կոմիտեն, կազմված է կոնվենցիան վավերացրած երկրների ներկայացուցիչներից: GRETA-ի զեկույցների հիման վրա Կոնվենցիային անդամ պետությունների կոմիտեն կարող է GRETA-ի կատարած եզրակացությունների հիման վրա միջոցառումների իրականացման հանձնարարականներ մշակել առանձին երկրների համար:

ՄՈՆԻՏՈՐԻՆԳԻՑ ՄԻՆՉԻ ԻՐԱԿԱՆԱՑՄԱՆ ԱԶԱԿՑՈՒԹՅՈՒՆԸ

Մարդկանց թրաֆիքինգի դեմ պայքարի միջոցների մասին Եվրոպայի խորհրդի կոնվենցիայի շրջանակներում իրականացվող մոնիտորինգի աշխատանքը եռակի նշանակություն ունի

- ▶ գնահատում և խթանում է կոնվենցիայի շրջանակներում ստանձնած հետագա պարտականությունների կատարումը,
- ▶ հանդիսանում է խոչընդոտների հաղթահարման ուղեցույց,
- ▶ ներկայացնում է միջազգային համագործակցության մի համաժողով, որտեղ կողմերը կարող են կիսել իրենց տնօրինած տեղեկատվությունն ու լավագույն փորձը և որտեղ միջազգային հանրությունը տեղեկացվում է ցանկացած նոր միտումների մասին, դրանով իսկ խթանելով համատեղ գործողություններ խնդիրները կանխելու և լուծելու համար:

Մոնիտորինգի արդյունքները հասանելի են առցանց և դարձել են տեղեկատվական աղբյուր բոլոր նրանց համար, ով ներգրավված է մարդկանց թրաֆիքինգի դեմ պայքարում: Եվրոպայի Խորհուրդն աջակցում է նաև կառավարություններին կոնվենցիայի իրականացման, ինչպես նաև այն հանձնարարականների կատարման հարցում, որոնք ի հայտ են եկել մոնիտորինգի ժամանակ:

Կոնտակտների և լրացուցիչ տեղեկատվության համար

Մարդկանց թրաֆիքինգի դեմ պայքարի միջոցների մասին Եվրոպայի խորհրդի կոնվենցիայի քարտուղարություն (GRETA և Կոնվենցիային անդամ պետությունների կոմիտե)

Եվրոպայի խորհուրդ / Council of Europe

F-67075 Strasbourg Cedex

Ֆրանսիա / France

E-mail: Trafficking@coe.int

www.coe.int/trafficking